



partii naleraq

UKA2015/104

18. november 2015

Ujaqqat erlinnartut pinneraasiassat Nunatsinni piiarneqarsimasut Nunatsinni sileqqaarlugit nunatta avataanut anninneqartarnissaannik piumasaaqateqalernissaq pillugu apeqquteqaat aallaavigalugu oqallittoqarnissaanik siunnersuut.

(Inatsisartunut ilaasortaq Peter Olsen, Inuit Ataqatigiit)

Peter Preben Olsen, Inuit Ataqatigiit, apeqquteqaat aallaavigalugu oqallisissiaa Partii Naleqqamiit imatut taperserlugu oqaaseqarfigissavarput.

Pinneraasiassaq qaarsumiit peeraanni isikkua takuinnarlugu nalikittutut isikkoqaannarani aamma taamaappoq, aatsaallu silinnittarnerit immikkuullarissut atorlugit sileqqaarlugu akia miliuunilippassuarnut qaffassinnaasarluni. Allaat ujaqqat pinneraasiassat miliuunit untritilikkaat arlallit naleqassutsimikkut angusinnaasarlugu. Ippassaaninguaq nunani allani nutaarsiassaqaarfiit ilaanniit ilanngussaqq facebookimi oqallittarfiit ilaannut ikkuppura, tassani takuneqarsinnaammat qanoq aatsitassaq pinneraasiaq qanoq silillugu miliuuninik untritilinnik arlalinnik naleqalersinnaasoq uppernarsaammat.

Pisuussutitsinnut uumassusilinnut atatillugu eqqartortuarparput aalisakkap naleqarnerulerseqqaarlugit nunatsinni avammut tunisassiarisarnissaat. Taamaalluinnarporlu ujaqqat pinneraasiassanut atatillugu, taamaattumik siunertaq pisuussutinut uumaatsunut aamma atuuttariaqarluinnarpoq.

2009-mi aatsisatassanut inatsit nutarterneqarmat aatsitassarsiortunut nunaqavissunut pikkorliorujussuarnikkut equngasumik eqquititsisoqarpoq. Massakut ukioq 2015 naalerpoq, ukiut arfinillit sinnereerpai sulilu kukkunerup aaqqinnissaanut iliuseqartoqarani. Kukkunerullu aaqqinneqarnissaanut akerliusoqassangaluarpat tupinnartorujussooq, taamaattumik Naalakkersuisut aammaarluta kaammattussavagut inatsit minnerpaamik ajunnginnerusumillu 2009 sioqqullugu inatsiseqarsimanermut aaqqeqqullugu.

Oqaasertamineereerpoq – pisuussutit. Ukiuni 300-ngulersuni inuiaqatigiit pisuussutigut allat iluanaarfigerujussuarnikuuaat, ilaqutariit nunami allamiut, nunat allallumi. Sorsunnersuup kingulliup nalaani Danmarki tiguarneqarmat susinnaajunnaarluni kalaallit ukiuni untritilikkaani uninngaannarnikut iperangaallutik qaffarujussuarput avammullu ajunngitsumik niueqateqalerlutik siuariatigerujussuaatiminnik, imminnut napateqqinnaarlutik inuupput sorsunnersuup naanissaata tungaanut, pisuussutitillu uumaatsuunersut ajornanngittuaqqamik nappatigalugit, nunat allat niueqatigalugit. Avammut niueqateqarnitsinnut iluaqutaaginnaratik, suliffeqartitsipput, annertuumillu nuna ukiuni untritilinni uninngatitaanikoq akornusersorneerukkatta siuariapiloortillugu, taamaattumik ajornanngilaq.

Inatsisit aqqinneratigut tassunga killeqqissinnaavugut, nunarujussuatta pisuussuterpapilussui iluaqutiginerulertariaqarpagut, taamaattumik siunnersuuteqartoq taperserlugu, Inatsisartunut oqaaseqaatissatut siunnersuutaa ilanngullugu Partii Naleqqamiit taperserparput.

Qujanaq

Per Rosing-Petersen